



Gratis
Distribution

SIRD & PR MIZORAM NEWSLETTER

Vol. XVI Issue No. 4 April, 2025 : Monthly SIRD & PR Newsletter, Mizoram : Aizawl

SIRDPR Mizoram
 sirdpr_mizoram
 SIRD&PR Mizoram

LAWRKHAWM

✦ Ni 23.4.2025 khan Union Minister of State (Independent Charge) for Planning, Statistics and Programme Implementation leh Minister of State for Culture, Pu Rao Inderjit Singh chuan Hnahthial District tlawhin Hnahthial District chhunga Central schemes hrang hrang kalpui a nih dan chu officials-te nen thlir hona an nei a. Schemes hrang hrang kalpui a nih danah mamawh awmte zawtin India ram chu chawisan a nih theih nan Mizoram tihmasawn chu thil pawimawh tak a nih thu a sawi.

✦ Ministry of Rural Development, GoI chuan Mahatma Gandhi NREGS hnuaia Mizoram chhunga Job Card neite hlawh ni 1-a Rs. 266/- ni \hin chu Rs. 281/- ah a tisang a, hei hi 1.4.2025 a\anga hman \an tur a ni.

Bawlhhlawh a
bawmah chauh aw.

RD Minister-in RD Schemes Annual Review Meeting hmanpui

Rural Development changtu Minister Prof. Lalnilawma chuan ni 9.4.2025 khan Assembly Annexe Conference Hall, Aizawlah Rural Development Department hnuaia scheme hrang hrang kalpuite thlirletna (review meeting) chu khuallian niin a hmanpui.



Khuallian Minister Prof. Lalnilawma chuan kalkhawmte hmaah hian thusawiin, Rural Development chu mipuite nena inngheng hnai ber pawl an nih avangin Department pawimawh tak a ni tih a sawi a. Officer kalkhawmte chu an hnathawhna hmun \heuhvah mipuite nena inlaichinna \ha leh bialtu MLA te leh Minister-te nen a inhriatthiam tawna nena hna thawk \hin tura chahin, Ram leh hnam hmasawnna turah chuan huaisen taka kal \hin turin a fuih a. Sawrkar chuan Department hrang hrangte thawhona (convergence) chu a ngai pawimawh hle tih sawiin, chumi lamah chuan Officer-te pawh, a theih ang anga thawkho tlang zel thei tura

ngaihtuahna seng \hin turin a sawm nghal bawka a ni.

Review Meeting hi Pu V Lalengmawia, Additional Secretary, RD Department chuan kaihruiin kalkhawmte lawmna thu a sawi a. RD schemes hrang hrang: SAGY, DISHA, PMAY-G leh BADP/VVP II-te, PMKSY-WDC leh Mahatma Gandhi NREGA chungchangte presentation ngaihthlakho a ni a. Hemi zawh hian District hrang hrang Project Director leh BDO-te hnen a\anga an hnathawh leh hmalakna hrang hrang te presentation ngaihthlak chhunzawm niin, hei hi scheme kalpui zel dan tur sawihonain a zui a. Pu Denny Lalchhuanawma,

(Phek 2-na-ah zawmna)

Editor-in-Chief: V Lalengmawia, Director
Editor: Lalthandama Lailung, Sr. Core Faculty (IT)
Jt. Editor : Malsawmdawngliana, IECM
Cir. Manager : Zothantluanga, IEC Facilitator

Editorial:



Leimin/Leitawlh

Mizoram hi tlangram anih avangin Leimin/Leitawlh avangin harsatna leh chhiatna kan tawk ta fo mai a, nunna chan hialte pawh an awm ta fo mai! A pawh hle mai.

In kan sak dawn te hian laih ngai lova hmun remsa chu avang viau awm e. Hetianga lei kan laih hian lei awm dan azir a min mai thei anih leh nih loh te kan en ngun fo a pawimawh a, lei min mai thei nia kan hriat phei chuan mithiamte kan rawn a, kan fimkhur pawh a \ul hle a ni.

Kan lei laih avang te, bawlhhlawh kan paih fimkhur loh avang te leh tui luankawr kan neih \hat loh avangte leh thildang tam tak avangin lei a min \hin a. Khuarel chhiatna \henkhat nia kan puh te hi chu kan siamchawp ni te pawhin a lang a ni.

Khawtlang hruaitute pawhin sawrkar Scheme MGNREGS emaw hmangin kawngte kan lai a, rei tak daih tura ruahmanna kan siam a pawimawh a, a min fo a, kum 2/1 leka a hman tlak leh loh mai te anih chuan awmzia a awm dawn lo a ni. Chuvangin, mithiam zawkte rawn chung a hmasawna hna pawh kan thawh fo a pawimawh em em a ni.

Leimin/Leitawlh laka kan him theih nan furpui a lo thlen dawnah kan in leh a velah lei khi, tuih theihna ang chi te a awm leh awmlah te pawh chik fo i la, khawtlang hruaitute pawhin kan huamchhungah hetiang ang chhiatna thleng thei a awm em? tihte i en thlithlai fo ang u.

(phek 1-na ami chhunzawmna)

RD Minister-in RD Schemes Annual Review Meeting hmanpui

Under Secretary, RD chuan lawmthu sawiin Review Meeting hi tihtawp a ni.



Review Meeting-ah hian District hrang hranga Project Director, DRDO leh BDO-te bakah Rural Development Department hotute leh mi pawimawh dangte an tel kim hle a ni.

Formulation of Kolasib District Convergence Plan 2025 - 2026 sawiho

Ni 24.4.2025 khan DC Office Conference Room Kolasibah "Formulation of District Convergence Plan for 2025-2026 Kolasib district chungchang sawihovin Department hrang hrang 15 an \hukhawm.

He Meeting kaihruiatu Pu Lalmuan puia, Project Director DRDO Kolasib chuan meeting a kal Kolasib district chhunga Line department hrang hrang aiawhte chu district hmasawna turin an hmalakna hrang hrangah thawhho dan tur ngaihtuahna hman tura sawmin, he meeting thutlukna ah Kolasib district hmasawna chu a in ngat lian hle a ni tih a sawi.

He meeting ah hian Line department hrang hrang ten Central scheme hmanga an hmalakna kalpui mekah MGNREGA scheme nen a in hman tangkai tawna, a scheme mila hmasawna hna thawhna kawngah thawhho dan tur ruahmanna hrang hrang te sawi hovin, Line Department hrang hrang, Agriculture, Horticulture, Veterinary, Sericulture, Fishery, PHE, PWD, Irrigation dept, SIRD & PR, LRS & WC dept, EF & CC Department hotu ten an hmalakna hrang hrang sawifiahin, MGNREGA scheme kalpui tu DRDO, BDO te nen, Kolasib district chhunga central scheme hmanga hmasawna hna thawhna kawngah thazawk leh awmze nei zawka thawhho dan tur ruahmanna an siam a ni.

Village Disaster Management Committee-in training nei

Ni 11.4.2025 khan Serchhip District-a Village Disaster Management Committee-te tan DC Pisapui Hall, Serchhip-ah Training buatsaih a ni a, Serchhip DC Pu Paul L.Khuma chuan khuallian niin a hmanpui.



Khuallian chuan thusawiin chhiatna thleng \hin tam tak hi mihring kan pun zela, kan mamawh a tam zel vang a ni fo, a ti a. Hmasawnna hna kan thawk dawn a nih chuan mawlmang taka tih ngawt hi a him lo a, mithiam zawkte rawn chungin tihdan tur an sawite zawm nachang hriat a ngai a ni, a ti a. Khuarel chhiatna hian nunna hlu tak leh bungraw tam tak a tihchhiat thin avangin himlo tura lang hmalakna a awm chuan khawtlang hruaituten dodal ngam turin kalkhawmte a chah a. Chhiatna a thlen huna chhawmdawlina aiin chhiatna thlenglo thei laka invenna lamah tan kan lak nasat a tul a, chumi atana inrelbawlina tha chu keimahni atang theuha tan a ngai a ni, a ti. Kalkhawmte chu tha taka training a, mahni veng leh khuahte midang zirtirtu ni thei theuh tura theitawp chhuah turin a sawm a. VC tin aiawhte hnenah First Aid Box a hlan nghal a ni.

He hun hi Additional DC Pu Lalrinzuala'n a kaihrui a, SDC Dr. Marilyn Lalruatkimi chuan Disaster Introductory & Role of VDMC in Disaster Management chungchang a sawi a. District Hospital-a thawktuten rikrum thila in enkawl dan leh First Aid pek dan tur an zirtir a ni. Serchhip District chhunga VC tin aiawh leh Branch YMA aiawhte an tel a ni.

Kan bawlhhlawhte kawngkam leh kawr-ahte paih mai lovin a bawmah leh a paihna tura ruahman/siam-ah chauh i paih thin ang u.

Dy. Govt. Chief Whip-in Khawtlang Hruaitute Intawhkhawm Runpui hmanpui

Zaingen YMA Hall-ah ni 11.4.2025 khan DC Office hmalaknain Khawzawl District-a Village Council (VC) hruaitute leh YMA Branch hruaitute tan Khawzawl District Khawtlang Hruaitute Intawhkhawm Runpui neih a ni a, Deputy Govt. Chief Whip leh Tuichang bialtu MLA ni bawk Pu W. Chhuanawma chuan khuallian niin he hun hi a hawng a ni.

Khuallian Pu W. Chhuanawma chuan Dan hriat a pawimawh a, lehkha chhiar tam te hi a \angkai hle a ni tih a sawi a, khawtlang hruaitute he huna an thil zir leh thil hriat tharte vawng \haa mipui tana hmang \angkai turin a chah bawk. Thil hriatloh hi pawl a ni lo a, hriat tum loh erawh a pawl hle a ni tih sawiin, zawhna zawt hreh lova thiam zawk leh hre zawk rawn hreh ngai lo turin a chah. Kkhawtlang hruaitute hnenah an lo tel theih avangin lawmthu a sawi a, hlawk taka hun hmang turin duhsakna hlan a ni. Khuallian Pu W. Chhuanawma hian DC Office lehkhahu siam "Khawzawl District Chanchin" tih a tlangzarh bawk.

Intawhkhawm runpui hi hun hniha \hen niin Addl. DC Pu Lalfakzuala'n a kaihrui a. Hun khatnaah hian Khawzawl DC Pu K. Vanlalhiana pawhin thu sawiin, hun khatna khar nan SDO (Sadar) Pu Suvigya S. Chandra, IAS chuan lawmthu sawina hun a hmang a ni.

Hun hnihnah hian sawrkar office hotu hrang hrang te'n khawtlang hruaitu kalkhawmte hnenah zirtirna an pe a, YMA lamin ruihhlo do chungchang inhrih hriatna an nei bawk. He hunah hian department hrang hrang hnuai hmalakna te, ham\hatna awm te, hnathawh kal mek te leh hruaitute hriat \ul hrang hrang kim taka sawi chhuah a ni. "Khawzawl District Chanchin" lehkhahu VC tin hnena sem a ni a, hemi rual hian DC Office siam Khawzawl District Information - cum - Grievance Redressal System, 2025 tih booklet sem tel a ni.

He intawhkhawmah hian VC President leh Secretary te, YMA hruaitute leh office hrang hrang hotute an tel a ni.

India ramin hriselna lama harsatna kan neih tlanglawnte

- V. Lalhmangaihi,
Faculty, ETC, Thingsulthliah

India ramah hian hriselna lama inenkawlina hi \hang chak tak a nih laiin mihring cheng kan tam em avangin, duh angin hmalakna a chak theilo \hin. National Survey Office-in a tarlan danin India rama mihring khawpuia cheng za zela 19.1% te chauh hian Health Insurance emaw a tlukpui ham\hatna an nei a. Hemi avang hian India ram a cheng mi nawlpuite chuan inenkawlina senso hi mahnia intum a ngai tihna a ni. India ram khawpuia cheng za zela 19.1% te chuan a chung a kan tarlan hrisel lohna avanga harsatna hi an nei nasa hle. Chung zinga za zela 25.4% te chu damdawi in-a inenkawl ngei ngei ngaite an ni. India ram khawpuia chengte zinga natna tlanglawn leh langsar zualte chu Lunglam \hat lohna te, Zunthlum te, Thyroid lam \hat lohna, Cancer leh a dangte an ni. Heng natna nei zingah hian za zela 20.8% te hi enkawl vat an nih loh chuan thihpui mai thei dinhmuna ding an ni.

A hnuaia kan tarlante hi India rama hrisel lohna thlentu \henkhat langsar zualte an ni.

1. Cancer
2. Infertility
3. Congenital abnormalities
4. Cataract
5. Hearing loss
6. Diabetes
7. Heart disease
8. Infectious diseases
9. Hair Loss
10. Obesity

1. Cancer:

WHO-in report-a a tarlan hnahnung berah chuan India mipui 1.3 billion cheng-ah hian mi 10 zela mi pakhatin Cancer natna nei ang an ni. India mi hriselna lama harsatna neite a\angin Cancer avanga natna hi a sang hle a ni. Cancer natna ah pawh Hnute Cancer a hluar hle mai a, kum khat chhung in za zel a 1.4% – 2.8% in a pung a ni.

Eng Cancer pawh lo ni se, Oncology (Cancer enkawlina) senso hi a sang em em a, a tlem berah nuai 5 tal angai in chhut a ni.

2. Infertility:

Fa neih theih loh vanga harsatna hi kum 2019 a zirchianna neihah chuan India rama nupa tuak za zel a 14% te hi fa nei theilo/pai theilo an ni a, khawpuia chengah hei hi a tam leh zual a ni. Zir chianna a\anga an hmuh danin khawpuia cheng nupa tuak ruk a\anga tuak khat zel hian fa nei theilo anga hmuhchhuah a ni a, chawhrualin kum khat chhungin 10% in a pung ang a chhut theih a ni.

Fa neih theih lohna chhan tur anga lang chu, kan chhehvel boruak thianghlim loh avang leh inthlak danglam (Environmental Toxin) nasat avang te, STI (Sexually Transmitted Infection) vang te, kan nunphungin a zir loh avanga natna hrang hrang (Life style diseases) kan tawh/neih vangte a ni thei.

Naupai tur chuan In Vitro Fertilization (IVF) hmanga pai mai chu a awlsam leh a theih dan awm chhun chu a ni rih mai a. Mahse hemi hmanga naupai tur chuan Health Insurance kan neihte hian a huam tel thei lo \hin a, chumi avang chuan IVF hmanga naupai tur chuan a tlem berah cheng nuai 1 – nuai 2.5 sen angai a ni.

3. Congenital abnormalities (Pianpui/inthlahchhawn vanga harsatna nei):

Hetiang lam harsatna neih hi a inang vek kher lo thei a, Khawpuia naupiang hlim thihna thlen chhan pathumna a ni.

Dang kak leh hmuikak hi chu plastic surgery hmanga awlsam taka siam \hat mai theih a ni. Amaherawhchu, a siam hautak dan a zirin a siam man a inang lo a. A tlangpui thuin a tlem berah cheng nuaih khat leh singriat (Rs.1.8 lakh) vel sen a ngai a ni.

4. Cataract :

Cataract hi khawvel pumpuia mitdelna thlentu langsar ber a ni a. India ramah he cataract avanga mitdel 17.7 million an awm tawh a ni.

He natna hi Mit lam thiam (Ophthalmologies) in uluk taka a enkawl angai a, A in enkawlina senso hi atlem berah Rs. 55000 atanga Rs.1.2 lakh sen a ngai ni

(phek lehlamah zawmna)

(phek lehlam ami chhonzawmna)

India ramina hriselna lama harsatna kan neih tlanglawnte

5. Hearing loss (Hriatna hloh/bengngawng/bengchhet) :

Zir chianna-in a tarlan danin India ramah ri hriatna lama harsatna nei hi an tam hle mai a. Delhi bikah mihring za zela 26.1% te hian hri hriatna lamah harsatna neiin, heng zinga za zel 51% phei hi chu engmah hrelo khawpa ri hriatna hlohte an ni.

Heng ri hriatna hloh/bengngawng/bengchhet te tana ri an lo hriat ve theihna tur kawng awm chhun chu bengdar khawhluah mai hi a ni. Amaherawhchu, heng bengdar khawhte hi man tlawm tak a ni lova, atlem berah Rs. 24990/- a\anga cheng nuai 2.7 man te a ni. Heng bengdarte hi a man to hle mahse miin ri hriatna an lo neih ve theihna kawng awmchhun a nih avangin sum sen manhla a ni thei.

6. Diabetes :

Khawvel pumpuiah hian mihring 75 million hi zunthlum natna nei an awm a, chung zinga paruk (6) zela pakhat (1) chu India rama cheng an ni. A nihna takah chuan khawpuia mihring chengin he natna hi an nei nasa bik. Diabetes hi natna dang nena inkaihnnawih awlsam bik tak a nih avangin, Diabetes nei mi chuan Lung leh Kal natna neih a awlsam a, a rang thei ang bera in enkawl vat tur a ni.

He natna hi Endocrinologist/Ophthalmologist and Nutritionist-ten an enkawl tlangpui a. An damdawi hman tlanglawntak chu Insulin Injection a ni.

7. Heart disease :

India rama Mihring hrisel lohna thlen thei tam tak zingah Lung lam \hat lohna hi a hlauawm ber te zing a mi a ni a. Kan ei leh in, nunphung inthlak nasat tawh em avangin India ramah mihring 55 million-in lung lam \hat lohna an nei mek a ni.

Cardiology Centre-ah Lung natna enkawl thiam bikin an enkawl \hin a. A enkawlina sum ngai zat hi a tlangpui thu in cheng nuai 1.5 – nuai 4.5 a ngai a ni.

8. Infectious diseases:

Tunlai dinhmun ah chuan India rama natna thlentu langsar zualte chu heng - Covid-19, Dengue

leh Malaria te hi an ni a. WHO-in a tarlan danin Dengue natna hi fur lain a hluar hle mai a, I lo kai ve palh hlauh a nih chuan a rang thei ang berin Damdawi in emaw Health Sub-Centre hnai ber pan vat tur a ni. In enkawl ngei ngei ngai si, mahse man tlawm lemlo taka enkawl dam theih a ni. Kum 2019 khan Hyderabad-a Dengue in enkawlina senso ngai zat chu a tlem berah Rs.5000 a\anga Rs.5 lakh a ni.

9. Hair Loss:

Samtla leh chalsam tla kawh hi mi tute pawh in neih theih a ni. Naupang a\anga puitling, mipa leh hmeichhia thlenga harsatna awm thei a ni a. Chhan hrang hrang vanga thleng thei a ni. A chhan lian tham ber ni a lang chu rilru hah/sen nasat vang a lo awm thei a ni. India ramah kum 2018 kum laihawla report tarlan dan chuan Mipa kum 20 chunglamah a hluar hle a. He harsatna hian rilru leh taksa a nghawng thei ve ve a ni.

A enkawlina awm thei pakhat tarlan chu Hair Transplant a ni. He Hair Transplant tih nan hian sum Rs.30000/- – Rs.1.35 lakh vel zet sen a ngai.

10. Obesity (over weight):

India ram khawpuia chengte zinga hrisel lohna thlen thei zingah hian Obesity hi a hluar hle mai a. Nunphungin a zir loh vanga he harsatna hi lo awm a ni. Hemi avang hian taksa-ah harsatna leh natna hrang hrang a awm phah thei. Zirchianna in a tarlan danin India ramah kum 2030-ah chuan khawvel pumah Naupang hetiang ang harsatna neih ah hian dinhmun pahniha hauh thei turah a dah a, 27 million zet an awm tura chhut a ni. Kum 2040-ah chuan puitlingin he harsatna hi a let hniha nei tura ngaih a ni. He harsatna hi ngaihthah chi a ni hauh lova, a enkawlina atana \ha ber chu taksa zang tura insawizawi \hat leh ei leh ina fimkhur hi a ni deuh ber.

Taksa zang tura insawizawi leh ei leh in in control tura mithiam te rawn hi a man a tlawm lova, sum tamtak sen a ngai \hin a ni.

Kan lo hrisel zawk theih nan chaw
tha ei leh insawizawi i uar ang u.

Ni 17.3.2025 - 11.4.2025 chhunga Training neihte



Trg. on CBNRM for Rural Livelihoods at DPRC, Mamit. Course Director: Dr. Khawlsiamthanga Khawlhing, Associate Professor, SIRD&PR.



Trg. on Research Methodology for Rural Development Professionals @ SIRD&PR. Course Director: Dr. Khawlsiamthanga Khawlhing, Associate Professor, SIRD&PR.



Refresher Course for Block Development Officers (BDOs) @ SIRD&PR Conference Hall, Durtlang. Course Director: Dr. Khuangthansanga Pakhuangte, Associate Professor, SIRD&PR.



Trg. on General Orientation for Newly Elected VC's for Selected Villages of Thingdawl & Bilkhawthlir RD Block @ ETC, Kolasib. Course Director: Er. LR Lalrinmawia Hnamte, Head Faculty, DPRC, Kolasib.



Entrepreneurship Training @ SIRD&PR. Course Director: Pu Lalchhandama Lailung, Sr. Core Faculty, SIRD&PR.



Orientation Trg. for Lungsen RD Block @ BDO Conference Hall, Lungsen. Course Director: Pu K. David Lalthanmawia, Sr. Faculty, SPRC, SIRD&PR.



Orientation programme for Newly ERs for Bungmun West RD Block @ BDO Conference Hall, Bungmun West. Course Director: Er. Zomawia Hauhnar, Sr. Faculty, SPRC, SIRD&PR.



Orientation Trg. Programme for VC Members of Chawngte RD Block @ BDO Conference Hall, Chawngte. Course Director: Pu K. Vanlaldika, Head Faculty, DPRC, Lawngtlai.

(phek lehlam ami chhonzawmna)

Ni 17.3.2025 - 11.4.2025 chhunga Training neihte



Orientation Trg. Programme for VC Members of Chawngte RD Block @ BDO Conference Hall, Chawngte. Course Director: Dr. H. Rosangpuia, Sr. Core Faculty, SPRC, SIRD&PR



Workshop on Development Strategies for NE States Priority Areas, Concerns and the Way Forward (Mizoram) organised by NIRD&PR- NERC, Guwahati & SIRD&PR, Mizoram.



Refresher trg. course for MGNREGA functionaries @ Champhai. Course Director: Dr. Khuangthansanga Pakhuangte, Asso. Professor, SIRD&PR.



Trg. on Orientation Programme for Newly Elected VCs @ DPRC, Serchhip. Course Director: Pu Vanlalhraia Ralte, Head Faculty, DPRC, Serchhip.



Training on sustainable Life skill : RD progs. @ SIRD&PR Auditorium. Course Director: Dr. Khuangthansanga Pakhuangte, Asso. Prof., SIRD&PR.

RD Minister in hawng

RD&AD, DM&R Department Minister Prof. Lalnilawma chuan DoNER Ministry a\anga sum hmuh cheng nuai 115 hmanga sak, tui lian leh chhiatna dang avanga chhiat tawkte tluk luhna leh tawm himna tur, DM&R Safe House thar Tlabunga mi chu 24.4.2025 khan a hawng.



RD&AD, PHED leh DM&R Minister Prof. Lalnilawma hian MGNREGS Material Component a\anga cheng nuai 14 senga Tlabung Zodina Laldanga Field panna kawng (approach road) metre 320-a thui laih hna leh cement concrete pavement siam hna zawh fel tak chu a hawng nghal a. Tlabung Sub-Divisional Hospital building thar tur leh BADP a\anga Tlabung SDH casualty & emergency room leh birth waiting room sak mek te, Tlabung PHED pump house leh Indo-Bangladesh border trade hmun tura ruahman Kawrpuichhuahte a tlawh nghal bawk.



One Day Training on DC Online Portal for VLEs @ SIRD&PR. Course Director: Pu Lalthandama Lailung, Sr. Core Faculty, SIRD&PR.



Trag. on Capacity Building for Springshed Development under WDC-PMKSY 2.0 @ SIRD&PR Auditorium. Course Director: Dr. Malsawmdawngliani Fanai, Associate Professor, SIRD&PR.

RD Minister-in Serchhip RD Block Office thar hawng

Rural Development Department, Serchhip RD Block Office Building thar, Serchhip P&E Veng chu ni 7.4.2025 khan RD Minister Prof. Lalnilawma chuan a hawng a. BDO Office Building thar Conference Hall-ah Office thar hawna inkhawm hman zui nghal a ni.



Khuallian Prof. Lalnilawma chuan thusawiin, sawrkar hnathawkten kan hun tam ber kan hmanna kan Office chu a building a chhia emaw a \ha emaw a nuam tur a ni a, kan chhuang bawk tur a ni, a ti. Office building thar leh mawiah duhtawk mai lovin, a thawktute pawhin Zonun Zemawi-Hawihhawmna nen \ha taka hnathawk turin a sawm. Office hna chuan hmasawna \ha leh duhawm, thingtlang lam leh ram mipuite tan thlen ngei se a duh thu sawiin, thawktuten phurna thar nen an phak ang tawh \heuhah theitawp chhuah thar \heuh turin a sawm bawk a ni.

Tunlaia tuihna tlem zel tih ziaawmna turin Sarovar 2.0 programme hnuaiah chak taka hmalak mek a nih thute, mi rethei in sak \anpuina PMAY scheme kaltlanga hmalak mek a nih thu leh Rural E-Library changtlung nei turin hmalak mek a nih thute a sawi bawk.

He hunah hian RD Additional Secretary Pu V Lalengmawia, RD Director Pu K. Lalrohlua leh Serchhip Bawrsap Pu Paul L. Khuma ten thu a sawi bawk a ni.

Serchhip BDO Office Building thar hawnaah hian Serchhip BDO leh Project Director, DRDO Serchhip Dr. Malsawmtluanga Fanchun

chuan inlawmna thu sawiin, Pi C Remsangpuii, Technical Assistant chuan Building sak dan (Technical Report) tlangpui pein, he Panchayat Bhavan-cum-Block Development Office hi MGNREGA Material Component a\angin, Rs. 2,24,55,000 (Nuaih zahnih sawmhnihi pali, singnga sangnga) senga sak niin, ni 7.4.2024 khan sak \an niin, ni 7.4.2025 hian sak zawhfel niin hawn a nih thu a sawi. He building hi Mizoram Technocraft Company Pvt. Ltd. sak niin thla 12 chung an sa a ni.



Building pumpui hi Sq. ft. 7,082-a zau a ni a. Chhawng li niin, a chhawng hnuaia ber (basement) hi Office Canteen leh Chowkider Qrts. tur a ni a, Ground floor hi BDO, Establishment staff leh MzSRLM staff-te awmna tur niin, 1st Floor hi MNREGA Staff-te awmna tur a ni a, a chung ber hi Conference Hall atan hman a ni ang.

Pu MC Zirsangliana, APO (MGNREGA) chuan Powerpoint presentation hmangin Serchhip RD Block hnathawh tawh leh hmalakna kalmekte tarlangin, Serchhip RD Block hian PMAY(G) scheme hnuaiah mirethei in sak \anpuina chhungkaw 525 pe tawhin, Ni Za inhlawhna (MGNREGA) hnuaiah khaw 44 an enkawl a, Job Card Holder 12746 an awm mek bawk a ni.

He hun hi Pu Stephen Laltlansanga Auhmun, ARDO, DRDO chuan kaihruiin, Serchhipa sawrkar department hrang hrang hotute, MJA member-te leh tlawmngai pawl aiawhte an tel a. Pi Zorengpuii, Extension Officer chuan lawmthu sawiin hun a khar a ni.

Published by V Lalengmawia on behalf of State Institute of Rural Development & Panchayati Raj, Mizoram, Durtlang Leitan, PIN - 796015.

Phone : (0389) - 2362551; e-mail: dirsirdmz@gmail.com & mzsird@gmail.com;

Website: sirdpr.mizoram.gov.in.

Funded under RGSA through Local Administration Department (LAD), Govt. of Mizoram.

Printed at Ebenezer Offset, Luangmual, Aizawl.